

zu 1457 Juni 23.

Nr. 5273

NvK reitet nach Wilten. Hz. Sigismund hat Innsbruck verlassen, um der Herzogin von Bayern das Geleit zu geben. NvK drängt bei Leonhard von Velseck auf ein Treffen mit dem Herzog. Bericht im Krell-Memorandum.

Entwurf: BERNKASTEL-KUES, StB, Cod. Cus. 221 p. 496-495a.<sup>1)</sup>

Erm.: Vansteenbergh, Cardinal 178.

(Im Anschluss an Nr. 5269:) Item als der cardinal auf sand Johans abent zu sunnwenden (23. Juni) gen Wiltein zu der vesper kam, was der herczog aus von Inspruck geritten, der frawen von München<sup>2)</sup> das gelaitt zugeben und her Leonhardt Velsecker mit ir gen München geritten, also daz der cardinal von nyemands des abents emphanen ward. Doch desselben abents schicket der cardinal ainen seinen diener zu dem haubtmann<sup>3)</sup> und ließ im sagen, nachdem und herczog Sigmund im zu zwain maln geschriben und auch bei herrn Leonhardten Velsecker zuempoten und begert hett, sich zu im von ettwas mercklicher sachn wegen zufügen. Also wer er gen Willtein komen und ließ an denselben haubtman begern, das an den herczogen zubringen, und daz er im auf morgen als an sand Johans tag am hove fürneme und in das wissen liess, so wolt er zu im gen Inspruck komen. Do sprach der haubtman, der herczog hiet der frawen von München das gelaitt gegeben, als sich dann gepüret, und wer noch nicht wider kömen. Kêm er noch des abents oder morgen frü oder wenn er kêm, so wolt er das zustund an sein gnad bringen. Er wurd villeicht selbs zu dem cardinal hinaus reitten oder sein rett sennden oder ainig werden, wo si zuainander komen.

---

<sup>1)</sup> In der Seitenzählung wurde nach p. 496 eine Seite überslagen. Das Blatt wurde nachträglich mit 495a und 496b gezählt.

<sup>2)</sup> Die bayerische Herzogin Anna von Braunschweig; s.o. Nr. 5272 Anm. .

<sup>3)</sup> Parsifal von Annenberg, Hauptmann an der Etsch.